



ALDEZ AURREKO KONTSULTA. GAIA: ZERGA NEURRIEN FORU ARAUAREN AURREPROIEKTUA.

Xedapen orokorrak egiteko prozedura eta araugintza teknikari buruzko jarraibideak onesten dituen maiatzaren 23ko 29/2017 Foru Dekretuaren I. eranskineko 9. artikuluan xedatutakoarekin bat etorritik, eta xedapen arauemaileak prestatzeko prozeduran herritarren parte hartzea hobetzeko helburuaz, goiburuan aipatutako aurreproiektua prestatu baino lehen kontsulta publikoa egin behar da; kontsulta horretan, iritzia azaltzeko eskatu behar zaie etorkizuneko arauaren eragina jaso lezaketen herritarrei eta ordezkagarritasun handieneko erakundeei, honako gai hauek direla eta:

- a) Ekimenaren bidez konpondu nahi diren arazoak
- b) Onetsi nahi den arauaren beharra eta egokitasuna
- c) Arauaren helburuak
- d) egon daitezkeen bestelako aukerak (arautzaileak eta arautzaileak ez direnak)

Aurrekoa betez, kontsulta bat planteatzen da, zerga arloko figuretan arau esparru berri bat ezarri nahi duen etorkizuneko xedapenaren eragina jaso lezaketen herritarrei eta ordezkagarritasuna duten erakundeei beren iritzia azal dezaten eskatzeko.

Herritar, erakunde zein elkarteek, egoki baderitzote, galdera sorta honetan planteatutako alderdiei buruz duten iritzia adierazi ahal izango dute, abuztuaren 3ra arte, aurrezkontsultak@araba.eus helbide elektronikoko postontziaren bidez.

AURREKARIAK	Arabako Lurralde Historikoan indarrean dauden zerga foru arauak.
--------------------	--



KONPONDU NAHI DIREN ARAZOAK	Behar diren beste arau aldaketa egin nahi da aurrerago adieraziko diren helburuak betetze aldera.
ONETSI NAHI DEN ARAUAREN BEHARRA ETA EGOKITASUNA	Beharrezko aldaketak egin ezean, eten egingo litzateke 2014ko urtarrilaren 1etik aurrerako ondorioekin egindako zerga erreformaren bidez hasitako prozedura.
HELBURUAK	<p>Enpresa jarduera suspertzen laguntzea, eta, horretarako, enpresa ehuna eta gure enpresen lehiakortasuna sendotzea.</p> <p>2. Aberastasunaren eta enpleguaren sorrera sustatzea, enpresen inbertsioa erakartzeko neurrien bidez.</p> <p>3. Ekintzailletza jarduera sustatzea, eta, horretarako, enpresa proiektu berriak ezartzea eta prestakuntza handiko langileak erakartzea, Arabako garapen ekonomikoa lortzeko konpromisoa har dezaten.</p> <p>4. Zerga saihestea, zerga oinarrien higadura eta enpresa etekinen lekualdatze artifiziotsua prebenitzeko marko fiskaletik eratorritako betebeharrak betetzea. Nazioarteko foroetan sustatu da marko hori, ELGAN eta Europar Batasunean, besteak beste.</p>



	<p>5. Sistema fiskalak behar beste diru biltzen duela bermatuko duen zergapetze maila lortzea, beharizan publikoek eragindako konpromisoak bete ahal izateko, tributazioa zerga sistemaren printzipio orokorren arabera sustatuz, batez ere gizarte gastuei ekarpenak egitea ekonomia gaitasunaren arabera.</p> <p>6. Aurrera egitea hizkuntzaren erabilera berrikustean, aldatutako testu arauemaileetan genero ikuspegia txertatzeko, hizkuntzaren erabilera ez-sexista egin dadin, emakume eta gizonen arteko benetako berdintasuna lortzeko eta genero desberdintasuna desagerrarazteko ekarpen gisa.</p> <p>7. Arabako zerga sistema Bizkaikoarekin eta Gipuzkoakoarekin bateratzea lortzea.</p>
<p>EGON DAITEZKEEN BESTELAKO AUKERAK (ARAUTZAILEAK ETA ARAUTZAILEAK EZ DIRENAK)</p>	<p>Uste da zerga bakoitza aldatzeko berariaz egindako xedapen bat erabili beharrean xedapen arauemaile bakarra erabiltzea dela tresna egokiena.</p>